



Saltunzs e saltunzas èn vedlonder da perfecziunar solt, muvimaints ed expressiun.



Anc è la construcziun pigl teater agl liber betg pachetada an ena teila melna.

FOTOS BENJAMIN HOFER

Riom ò bler da rachintar

Igl Origen Festival Cultural ò lantschea la stad culturala cun en de dallas portas avertas a Riom. Lò sa catta la dimora digl festival ed a Riom vign proximaintg er tematiso l'arsa digl li avant 159 onns e chegl cun en teater agl liber.

GION NUTEGN STGIER/FMR

Per sonda passada veva *Giovanni Netzer* cun sies collaboratours e collaboratouras anvido tots interessos a Riom agl de dallas portas avertas. I seia inditgia da scumanzar la stad culturala cun ena tala occurrenza, ò menziuno igl intendant digl pi grond festival cultural tgi dat aint igl Grischun. Igl interess pigl de dallas portas avertas è sto fitg grond cun catter en pèr tschents persungas la veia a Riom. An vischnanca era bler travagl cun Origen anvidar mintgign da visitar ples bietgs tg'on ena gronda istorgia e tgi totgan gio decennis tar la vischnanca.

15 gedas vign giuia e salto

Sen las 14.00 era annunzgia tgi visitaders e visitadras digl de dallas portas avertas on la pussebladad d'assister ainten la Clavadeira ad ena prova digl teater «L'arsa da Riom», tgi Origen preschainta proximaintg. Dalunga è la Clavadeira stada cumplettaimaintg occupada e chegl cun vers 100 persungas. Avant tg'è nia salto e giuia sen tribuna ò Giovanni Netzer oriento scu tg'è igl 1864 nia tar l'arsa ainten la tgesa dalla famiglia da Paul Frisch. El ò er laschea repassar terms impurtants dall'istorgia da Riom e chegl davent digl 1275 anfignen igl de dall'arsa, igls 5 da mars 1864.

Cugl teater agl liber inscenescha el betg angal chel grond incendi succedia avant 159 onns a Riom, mabagn dat el sen tribuna en tagl tras l'istorgia da 600 onns dalla vischnanca da Riom. Da preschaint ins è vedlonder cun la construcziun digl bietg da teater temporar, el tgi vign construa cun elemaints d'atschal. Pacheto vign chel cun ena teila melna, uscheia tg'el croda er dalunga an igl. Gist 15 gedas vign l'istorgia da Riom e cunzont l'arsa digl 1864 preschainta cun actours ed actouras, cun saltunzs e saltunzas, cun musica e cun en pledader. Sa musso è tgi igl public è gio sto incanto digl vasia. Chegl er sch'è angal sto ena

prova, ella tg'ò testifitgia tg'ins dastga sa legrar sen las 15 preschentaziuns digl teater agl liber «L'arsa da Riom».

Tschintg tgombras

Las persungas tgi vevan sa decideidas pigl de dallas portas avertas a Riom on er gia la caschung da far en gir ainten la «Villa Carisch». Chel bietg è nia construa avant 15 decennis da Lurintg Carisch, el tg'era sto a Paris, nia fitg retg e turno anavos an sia patria. Igl object ò ena immensa grondezza ed er bleras stanzas. Tschintg da chellas stanzas èn neidas transfurmadas an tgombras per mintgamai dus persungas. Blers visitaders e visitadras

digl Origen Festival Cultural èn betg mobils ed èn er adegna alla tschertga per en cutier.

A Riom on els ed ellas da nov la pussebladad da pernottar ainten la «Villa Carisch» e chegl ainten tgombras individualas ed er singularas. Gio siva da tschintg onns porscha igl hotel Frisch a Riom a persungas tgi von ad Origen varsaquantas tgombras per star sur notg. Er ainten chel bietg istoric èn sonda passada las portas stadas avertas per mintgign. Chegl è er sto igl cass tigl atelier pòss da *Lucia Netzer-Peduzzi*, ella tgi segna per la producziun d'urden da letg da qualitat scu pac oter.

reclama

RTR PER VUS AL PULS DAL GRISCHUN rtr.ch

RADIO

19.00 NOSS CHORS

Chors da giuvenils ed uffants

Tranter ils 17 e 21 da matg ha gi lien a Basilea il Festival europeic da chors da giuvenils. Perquai è l'emissiun dad oz deditgada a las vuschs giuvnas.



Sche uffants e giuvenils chantan è quai insatge tut aparti. En quest'emissiun datan vuschs giuvnas dal Grischun, da la Svizra ed er d'auters pajais insaquants chanzuns en differentas linguas. Chanzuns rumantschas sco per exempel «Bellezza mia cara», englaisas «The Fields of Athenry» u per tudestg «Nachtlied». Quai chantà da chors dal Grischun, da la Svizra sco era d'insaquants chors internaziunals. Redacziun: Dominic Pohle

PROGRAM DA RADIO

00.00	Novitads SRF	14.03	Musica
00.03	Grischun sonor	15.00	Novitads
01.00	Novitads SRF	15.03	Musica
01.03	Grischun sonor	16.00	Novitads
02.00	Novitads SRF	16.03	Semperversds
02.03	Grischun sonor	16.30	Program da kino
03.00	Novitads SRF	16.45	Tgi pomai èsi?
03.03	Grischun sonor	16.50	Prevista Telesguard
04.00	Novitads SRF	17.00	Novitads
04.03	Musica populara	17.06	Actualitad saira
05.00	Novitads SRF	17.30	Novitads
05.03	Musica populara	17.50	Novitads da sport
06.00	Novitads	18.00	Novitads
06.06	Actualitad bun'ura	18.06	Revista dal di
06.30	Novitads	18.10	Musica
06.40	Impuls	19.00	Noss chors
07.00	Novitads	20.00	Novitads
07.06	Actualitad bun'ura	20.03	Musica
07.30	Novitads	21.00	Novitads
07.40	Kikeri6	21.03	Musica
08.00	Novitads	22.00	Novitads
08.06	Actualitad bun'ura	22.03	Musica
08.30	Novitads	23.00	Novitads
09.00	Novitads	23.03	Musica
09.06	La cuppina		
09.15	Il chalender		
09.45	Tge chaussas		
10.00	Novitads		
10.15	Linguarias		
10.55	Rep. Impuls dal di		
11.00	Novitads		
11.03	Actualitad mezdi		
11.30	Novitads		
12.00	Novitads		
12.06	Actualitad mezdi		
12.25	Prevista Telesguard		
12.30	Rendez-vous SRF		
13.00	Las gratulaziuns		
14.00	Novitads		

TELEVISIUN

17.40 TELESQUARD SIN SRF 1

L'emissiun d'infurmaziun sin SRF 1 cun sottitels tudestgs sin TXT 777

(repetiziun sin SRF info tranter las 18.00 e las 22.00)

dapli sin www.rtr.ch

RTR PER ILS PITSCHENS

VIDEOS, CHANZUNS, VERSETS ED ISTORGIAS

rtr.ch/uffants

TGI POMAI ÈSI? SRG SSR

GLI-VE A LAS 16:45

Participai al jeu d'engiavinar persunas.

0800 20 25 30

RTR rtr.ch

Nus tschertgain tai

EmprendistA commercialA

T'annunzia ussa rtr.ch/plazzas